

4. Bókun þessi tekur gildi samtímis bráðabirgðaverzlunar- og siglingasamningi 89 • þeim milli ríkisstjórna beggja landanna, er var undirritaður til bráðabirgða 16. 8. nóv. október 1950.

Gjört í Frankfurt a. M. í tveimur eintökum hinn 19. desember 1950.

Undirritað fyrir  
ríkisstjórn Íslands:

Vilhj. Finsen.

Undirritað fyrir ríkisstjórn Sambands-  
lýðveldisins Þýskalands:

v. Maltzan.

## AUGLÝSING

### um viðskiptasamning milli Íslands og Vestur-Þýskalands.

90

19. nóv.

Viðskiptasamningur sá milli Íslands og Vestur-Þýskalands, er undirritaður var til bráðabirgða 15. marz 1950, sbr. Stj.tíð. 1950, A., nr. 41, var endanlega undirritaður hinn 8. desember 1950.

Hinn 19. desember 1950 fór fram í Frankfurt am Main bráðabirgðaundirskrift undir bókun um framlengingu ofanefnds viðskiptasamnings til ársloka 1951. Endanleg undirskrift undir bókun þessa fór fram 4. september 1951. Bókun þessi fer hér á eftir í íslenskri þýðingu:

**Bókun um samningaumleitanir milli fulltrúa lýðveldisins Íslands og fulltrúa Sambandslýðveldisins Þýskalands um vöruskipti milli lýðveldisins Íslands og Sambandslýðveldisins Þýskalands á árinu 1951.**

#### 1. gr.

Fulltrúar lýðveldisins Íslands og Sambandslýðveldisins Þýskalands ákveða, að „Samningur um viðskipti milli lýðveldisins Íslands og Sambandslýðveldisins Þýskalands fyrir tímabilið 15. marz til 31. desember 1950“, er undirritaður var til bráðabirgða 15. marz 1950, skuli gilda áfram fyrir almanaksárið 1951.

#### 2. gr.

Samkomulag það, sem felst í 1. gr., skal gilda fyrir framlengingartímabilið með eftirfarandi viðbótum:

1. Fylgiskjal C., þ. e. Bókun um sölu á fiski og síld frá Íslandi til Sambandslýðveldisins fellur úr gildi 31. desember 1950.

2. Í síðasta lagi í apríl 1951 skal koma saman nefnd sérfróðra manna frá báðum ríkisstjórnunum, er síðan leggur fyrir þær tillögur um skiptingu á heildar fisk- og sildarmagni því, er viðskiptasamningurinn gerir ráð fyrir að afhent verði, að verðmæti 2.5 millj. dollara, hvað snertir tegundir og tímamörk og enn fremur um fyrirkomulag innflutningsins.

3. Samkomulag er um, að hækka megi 2.5 millj. dollara upphæðina, ef það samrýmist innflutningsþörfum Sambandslýðveldisins.

4. Samkomulag er um, að báðar ríkisstjórnirnar hafi rétt til að stöðva innflutning, sem ráðgerður er samkvæmt bókun þessari, ef slíkur innflutningur myndi leiða til alvarlegra truflana í þjóðarþúskaþnum. Ef til slíks kemur, eru báðar ríkis-

- **90** stjórnirnar reiðubúnar að taka þegar í stað upp viðræður um ástandið og leitast við 19. nóv. að finna með stuttum fyrirvara lausn vandamállanna, er báðir aðilar geta sætt sig við.

Gjört í Bonn am Rhein hinn 4. sept. 1951 í tveimur eintökum.

Fyrir ríkisstjórn  
lýðveldisins Íslands.  
Bráðabirgðaundirskrift:  
V. F. 19/12/50  
(Vilhjálmur Finsen).

Fyrir ríkisstjórn lýðveldisins  
Íslands.

Undirskrift:  
**Vilhjálmur Finsen.**

Fyrir ríkisstjórn  
Sambandslýðveldisins Þýskalands.

Bráðabirgðaundirskrift:  
Dr. K. E. 19/12/50  
(Dr. Karl Erdmann).

Fyrir ríkisstjórn  
Sambandslýðveldisins Þýskalands.

Undirskrift:  
**Dr. v. Maltzan.**

Fundur sá, sem ráðgerður er í 2. gr. 2. í framanskráðri bókun, var haldinn 28. maí 1951, og leiddi hann til samkomulags um þau atriði, er honum var ætlað að fjalla um samkvæmt nefndri grein.

Þetta er hér með gert almeningi kunnugt.

*Utánríkisráðuneytið, hinn 19. nóvember 1951.*

**Bjarni Benediktsson.**

*Magnús V. Magnússon.*

**91**

## L Ö G

17. nóv.

um heimild fyrir ríkisstjórnina til að innheimta skemmtanaskatt með viðauka árið 1952.

### HANDHAFAR VALDS FORSETA ÍSLANDS

samkvæmt 8. gr. stjórnarskrárinnar,

forsætisráðherra, forseti sameinaðs Alþingis og forseti hæstaréttar,

*gjöra kunnugt:* Alþingi hefur fallizt á lög þessi og vér staðfest þau með samþykki voru:

1. gr.

Skemmtanaskatt samkvæmt lögum nr. 56 31. maí 1927 skal árið 1952 heimilt að innheimta af kvikmyndasýningum með 200% álagi og af öðrum skemmtunum með 20% álagi. Þó skulu leiksýningar, hljómleikar og söngskemmtanir innlendra manna undanþegnar álaginu, svo og sýningar á íslenskum kvikmyndum.

2. gr.

Lög þessi öðlast þegar gildi.

*Gjört í Reykjavík, 17. nóvember 1951.*

**Steingrímur Steinþórsson.**

**Jón Pálmason.**  
(L. S.)

**Jón Ásbjörnsson.**

*Björn Ólafsson.*